

KENYATAAN MEDIA



KEMENTERIAN PERDAGANGAN DALAM NEGERI DAN HAL EH WAL PENGGUNA

No. 13 Persiaran Perdana, Presint 2,
62623 Putrajaya

No. Telefon : 03-8882 5562
No. Fax : 03-8882 5569

PELAN PEMULIHAN NEGARA PEMANGKIN PERTUMBUHAN EKONOMI DOMESTIK

PUTRAJAYA, 16 JUN 2021 – Kementerian Perdagangan Dalam Negeri Dan Hal Ehwal Pengguna (KPDNHEP) menyambut baik strategi Pelan Pemulihan Negara yang dibentangkan oleh Perdana Menteri Malaysia, YAB Tan Sri Dato' Sri Haji Muhyiddin bin Haji Yassin pada 15 Jun 2021.

Strategi Pelan Pemulihan Negara yang merangkumi empat fasa ini pasti dapat meningkatkan kembali ekosistem perdagangan domestik di bawah seliaan KPDNHEP terutamanya kepada peniaga peruncitan, pemborong dan pengedaran di mana aktiviti ekonomi akan dibuka secara berperingkat dan berfokus.

KPDNHEP juga telah memulakan program vaksinasi untuk barisan hadapan ekonomi dengan kerjasama Jawatankuasa Petugas Khas Imunisasi COVID-19 (CITF) setelah beberapa libat-urus telah dilaksanakan bersama Kementerian Sains, Teknologi dan Inovasi (MOSTI) dan pemain industri sektor perdagangan dan pengedaran. Ini adalah penting sebagai persiapan pembukaan ekonomi yang akan dilaksanakan.

Semua pemain industri menyokong sepenuhnya dan telah bersetuju mengikuti program ini di mana sekarang sedang dalam peringkat pendaftaran penyertaan. Data tersebut akan diserahkan kepada CITF untuk merangka pelan pelaksanaan termasuk keperluan Pusat Pemberian Vaksin (PPV) dan logistik.

Sasaran suntikan dari 150 ribu vaksin sehari kepada 300 ribu sehari akan memberikan dampak yang lebih positif, mempercepatkan pencapaian

imuniti kelompok (*herd immunity*) dan membuka lebih banyak sektor ekonomi dalam keadaan selamat dan ini boleh dicapai dengan penyertaan swasta termasuk komuniti perniagaan.

Dijangka sektor ini akan mencapai tahap imuniti kelompok sekitar September 2021 di mana Kementerian telah merancang beberapa aktiviti ekonomi bermula dari jangka masa tersebut terutama Kempen Beli Barang Malaysia, Program Jualan Malaysia, Program Francais Domestik samada di peringkat kebangsaan mahupun negeri.

Kementerian akan terus berbincang dengan semua pemegang taruh termasuk kerajaan dan sentiasa menyokong dan membantu pelaksanaan Pelan Pemulihan Negara supaya negara dapat mencapai objektif yang telah dirancang secepat mungkin.

#####

DATO SRI ALEXANDER NANTA LINGGI

Menteri Perdagangan Dalam Negeri dan Hal Ehwal Pengguna

PUTRAJAYA

16 JUN 2021

LATAR BELAKANG

Kementerian Perdagangan Dalam Negeri dan Hal Ehwal Pengguna (KPDNHEP) telah ditubuhkan pada 27 Oktober 1990. Matlamat penubuhan Kementerian adalah untuk menggalakkan pembangunan perdagangan dalam negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran.

Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidaktentuan. Perdagangan pengedaran perlu kukuh bagi menampung sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkap dan ke arah *self-regulated*, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam berurusniaga, dan hasilnya adalah negara yang seimbang dari segi ekonomi dan sosial.

Agensi di bawah KPDNHEP :

